



REPUBLIKA E SHQIPËRISË
Komisioneri për Mbrojtjen e të Dhënave Personale
Komisioneri

Nr. 18/2 Prot.

Tiranë, më 02/6/2011

Lënda: Rekomandim për **Porti Detar sh.a Vlorë**.

REKOMANDIM

Mbështetur në Ligjin nr.9887, datë 10.03.2008 “Për Mbrojtjen e të Dhënave Personale”, Vendimet e Kuvendit të Shqipërisë nr.211, datë 11.09.2008 “Për zgjedhjen e komisionerit për mbrojtjen e të dhënave personale” dhe nr 225, datë 13.11.2008 “Për miratimin e strukturës organikës dhe kategorizimit të pozicioneve të punës të Zyrës së Komisionerit për mbrojtjen e të dhënave personale”, pas shqyrtimit të relacionit të Drejtorisë së Inspektimit në ngarkim të kontrolluesit, **Porti Detar sh.a Vlorë**,

KONSTATOVA

Më datë 19.04.2011 nga grupi i inspektimit të Zyrës së Komisionerit është zhvilluar hetimi administrativ pranë kontrolluesit, **Porti Detar sh.a Vlorë**, me cilësinë si kontrollues që mbledh dhe përpunon të dhëna personale në ushtrim të qëllimit dhe aktivitetit të tij, me objekt:

- Zbatimi i kushteve dhe kriterëve të parashikuara në nenet 5,6,7,8, të ligjit “Për mbrojtjen e të dhënave personale”.
- Zbatimi i të drejtave të subjekteve të të dhënave personale.
- Siguria e të dhënave personale, masat për sigurinë e të dhënave personale.
- Njoftimi i të dhënave që përpunohen.
- Si zbatohen rregullat e konfidencialitetit për përpunimin e të dhënave personale.
- A përpunohen të dhëna personale nëpërmjet sistemeve të kamerave (CCTV), nëse ka tabela informuese.

Komisioneri “Për Mbrojtjen e të Dhënave Personale” pasi shqyrtoi relacionin e inspektimit administrativ, procesverbalin e konstatimit të inspektimit administrativ si dhe provat e administruara vëren se:

1. Kontrolluesi “Porti Detar” sh.a Vlorë gjatë aktivitetit të tij mbledh dhe përpunon të dhëna personale për disa kategori subjektësh të të dhënave si; klientë, punonjës (të punësuar pranë këtij kontrolluesi) dhe furnizues.

U konstatua se, kontrolluesi “Porti Detar sha. Vlorë” është në proces hartimi të një rregullore të brendshme për “Kodin etik” dhe “Përshkrimin e detyrave”, në të cilën nuk ka të parashikuar rregulla lidhur me mbledhjen, përpunimin, mbrojtjen dhe konfidencialitetin e të dhënave personale sipas kushteve dhe kriterëve ligjore që parashikohen në ligjin nr. 9887 datë 10.03.2008 “Për Mbrojtjen e të Dhënave Personale”.

Gjithashtu, u konstatua se, kontrolluesi “Porti detar” sh.a Vlorë gjatë aktivitetit të tij bën shkatërrimin dhe asgjësimin e dokumentacioneve që mbartin të dhëna personale dhe nuk ka të përcaktuar në një dokument të shkruar masat dhe procedurat që zbaton në këto raste.

- Në këtë rast nuk është zbatuar neni 27/2 “c” i ligjit nr. 9887, datë 10.03.2008 “Për mbrojtjen e të dhënave personale”, ”.....Udhëzon operatorët, pa përjashtim, për detyrimet që kanë , në përputhje me këtë ligj dhe rregulloret e brendshme për mbrojtjen e të dhënave, përfshirë edhe rregulloret për sigurinë e të dhënave “. dhe neni 28 i ligjit, “Kontrolluesit, përpunuesit dhe personat, që vihen në dijeni me të dhënat e përpunuara, gjatë ushtrimit të funksioneve të tyre, detyrohen të ruajnë konfidencialitetin dhe besueshmërinë edhe pas përfundimit të funksionit”.
- Nuk është zbatuar neni 27/4 i ligjit nr. 9887 datë 10.03.2008 “Për Mbrojtjen e të Dhënave Personale”...“Dokumentacioni i të dhënave mbahet për aq kohë sa është e nevojshëm për qëllimin për të cilin është grumbulluar”.

2. Grupi i kontrollit administrativ konstatoi se, kontrolluesi “Porti detar” sh.a Vlorë përdor për qëllim sigurie sistemin e videosurvejimit (CCTV) nëpërmjet të cilit mbledh dhe përpunon të dhëna personale për subjekte të ndryshëm. Sistemi i kamerave CCTV është i vendosur në zyrën e Drejtorit të “Portit Detar”sh.a Vlorë. U konstatua se, ka dy pika aksesit të video-vëzhgimit nëpërmjet të cilave mund të monitorohet. Drejtori ka akses për të kontrolluar dhe përpunuar (rikthim të imazheve në kohë) imazhet e regjistruara nëpërmjet këtij sistemi. Punonjësi i shërbimit (sigurisë portuale në hyrje të portit) sheh në kohe reale nëpërmjet monitorit pamje nga ambientet e monitoruara nga sistemi CCTV. Ky punonjës nuk ka akses për rikthim në kohë të imazheve të ruajtura nëpërmjet këtij sistemi. Memoria e DVR_së (digjital video rekorder) pajisja digjitale e regjistrimit të videos në momentin e ushtrimit të kontrollit

nuk ishte në funksion dhe për këtë arsye sistemi CCTV funksiononte vetëm si sistem video-vëzhgimi (nuk regjistron). Nga këqytja e ambienteve të kontrolluesit grupi i kontrollit konstatoi 3 (tre) kamera fikse dhe një rrotulluese të cilat monitoronin ambientet në brendësi të portit. Këto kamera monitoronin objekte të rëndësishme të kontrolluesit të vendosura brenda territorit të tij si magazinat, sheshi i trageteve, hyrjedalja në ambientet e portit si dhe hyrja në ambientet e administratës. U konstatua se, kontrolluesi “Porti Detar” sh.a Vlore nuk ka vendosur tabela paralajmëruese për përdorimin e sistemit të kamerave të vëzhgim-regjistrimit CCTV sipas kërkesave të ligjit nr. 9887 datë 10.03.2008 “*për Mbrojtjen e të Dhënave Personale*” (neni 18). Gjithashtu, kontrolluesi “Porti detar” sh.a Vlorë nuk ka një rregullore të shkruar lidhur me qëllimin e përdorimit, skemën, aksesin dhe ruajtjen e të dhënave që përpunohen me këtë sistem.

- Në këtë rast nuk është zbatuar neni 27/2 “c” i ligjit nr. 9887, datë 10.03.2008 “*Për mbrojtjen e të dhënave personale*”, ”.....*Udhëzon operatorët, pa përjashtim, për detyrimet që kanë , në përputhje me këtë ligj dhe rregulloret e brendshme për mbrojtjen e të dhënave, përfshirë edhe rregulloret për sigurinë e të dhënave “.* dhe neni 28 i ligjit, “*Kontrolluesit, përpunuesit dhe personat, që vihen në dijeni me të dhënat e përpunuara, gjatë ushtrimit të funksioneve të tyre, detyrohen të ruajnë konfidencialitetin dhe besueshmërinë edhe pas përfundimit të funksionit*”.
- Në këtë rast nuk është zbatuar udhëzimi Nr.3, datë 05.03.2010 i Komisionerit për Mbrojtjen e të Dhënave Personale “*Mbi sistemin e videosurvejimit në ndërtesa, lokale e ambiente të ndryshme*”.

Nisur sa më sipër në zbatim të neneve 29, 30 dhe 32 të ligjit nr.9887, datë 10.03.2008 “Për Mbrojtjen e të Dhënave Personale”, si dhe 107-109 të K.Pr.Administrative ;

REKOMANDOJ

1. Në zbatim të neneve 27/2 dhe 28 të ligjit nr. 9887 datë 10.03.2008 “*Për Mbrojtjen e të Dhënave Personale*”, kontrolluesi “Porti Detar” sh.a Vlorë të përfshijë në rregulloren e brendshme “Kodi etik” dhe “Përshkrimi i detyrave” rregulla lidhur me përpunimin, konfidencialitetin dhe mbrojtjen e të dhënave personale si dhe të hartojë rregulla lidhur me procedurat që ndiqen për shkatërrimin, asgjësimin e dokumentacioneve që mbartin të dhëna personale.
2. Në zbatim të neneve 27/2 dhe 28 të ligjit nr. 9887 datë 10.03.2008 “Për Mbrojtjen e të Dhënave Personale”, si dhe udhëzimit nr. 3 datë 05.03.2010 të Komisionerit për Mbrojtjen e të Dhënave Personale “*Mbi sistemin e video survejimit në*

ndërtesa, lokale e ambiente të ndryshme”, kontrolluesi “Porti Detar” sh.a Vlorë të hartojë rregullore mbi qëllimin e përdorimit, skemën, aksesin dhe kohën e ruajtjes së të dhënave personale që përpunohen nëpërmjet sistemit të videosurvejimit (CCTV) që ai përdor, si dhe të vendosë tabela paralajmëruese për përdorimin e sistemit të CCTV.

Për përmbushjen e këtij detyrimi, bazuar në nenet 31 dhe 32 të Ligjit “Për Mbrojtjen e të Dhënave Personale”, paraprakisht dërgoni për mendim një kopje të projekt-akteve pranë KMDP.

Kryerja e këtyre rekomandimeve të rëndësishme për mbrojtjen e të dhënave personale që ju ngarkon ligji të realizohet brenda një afati kohor prej dy muajsh, duke përcjellë pranë KMDP një kopje të akteve të miratuara.

Duke ju falenderuar për mirëkuptimin,

KOMISIONERI

FLORA ÇABEJ (POGAÇE)

